

## Akit 1. juli 2010


### Ukiumi kingullermi atuisunut akit 2,3 pct.-mik qaffariarput

*Atuisunut akit ukiumut qaffariaataat*

Piffimmi 1. juli 2009 aamma 1. juli 2010 akornani atuisunut akit naleqqersuutaasa naatsorsornerinit paasinarsivoq tamanna 2,3 pct.-mik qaffariarfusoq. Tamassuma ersersippaa ukiup affaata siuliani ukiumut naatsorsuut annertunerusoq, ukiumummi atuisunut akit qaffariarnerat 1. januar 2010 naatsorsorneqarpoq 1,4 pct.-soq, titartagaq 1 malillugu.

*Titartagaq 1*

### Ukiuumoortumik atuisunut akit qaffariarnerat



*Ukiup affaani akit allanngorarnerat*

Ukiup affaa kingulleq – 1. januar 2010 1. juli 2010 tikillugu ukiup affaani atuisunut akit iluarsissutaasa naleqqersuutaat 1,2 pct.-mik qaffariaateqarpoq. Atuisunut akit naleqqersuutaat allanngorarnera nioqutissanik kiffartuusinernullu atuisut pisinerisa akiusut allanngorarnerannut tunngassuteqarpoq.

*Ineqarnermut akiliutit neriniartarfinnilu akit annertusiartornerat*

Ukiup affaanut atuisunut akit naleqqersuutaasa qaffariaataat peqquteqarnerpaavoq ineqarnermut akit annertusinerannut. 2010-p ukiuata affaani siullermi ineqarnermut akiliut 4,0 pct.-mik annertuseriarpoq. Ineqarnermut akit annertusinerat atuisunut akigititanut naleqqersuummut tamarmiusumut 9,0 pct.-nik naleqqiussineruvoq, taamatullu atuisunut akigititanut naleqqersuummut tamarmiusumut naatsorsuinermi pingaaruteqarluni. Neriniartarfiittaaq akitigut qaffaanerat matumani ukiup affaani naatsorsuutit annertuseriarnerannut pingaaruteqarpoq. 1.

januar-imiit 1. juli-mut 2010 ingerlanerani neriniartarfinni akit 6,2 pct.-mik annertuseriaateqarput.

*...taamatullu nujaleriviit sillimmasiivillu akii qaffariarput* Nioqqutissat allat kiffartuusinerillu 2010 ukiup affaani siullermi 2,9 pct.-mik qaffariarput. Qaffariaarnej peqquteqarpoq nujaleriviit (8,3 pct.-mik) sillimmasiisarfiillu (4,2 pct.-mik) akimikkut akitsuinerannik,

*Ineqarnermi atortut akikil-liriarput* Ineqarnermi atortut assigisaasalu akii 1,6 pct.-mik 2010-mi ukiup affaani siullermi appariarput. Akit appariarnerannut peqqutaaneruvoq igalaamernit sullissinerillu akiisa appariarnerannik taamatullu inoqutigiit maskinatigut atortorissaarutaat.

*Qallunaat Nunaanni atuisunut akit allanngorarnerat* Qallunaat Nunaanni juli 2009-miit juli 2010-mut atuisunut akigititamut naleqqersuut 2,3 pct.-mik qaffariarpoq. Qaffariaamut malunniutaapput ineqarnermut akiliutit tupallu akiisa qaffariarnerat, Qallunaat Nunaani Naatsorsueqqissaartarfiup Nutaarsiassaasiviani nr. 354-mi "Forbruger- og nettoprisindeks juli 2010"-mi tamanna takuneqarsinnaavoq.

*Atuisunut akigititamut kisitsisillu akinut iluarsisutaasa naleqqersuutaasa iluarsaannerat* Januari 2010 aallarnerfigalugu naleqqersuutit nutaat atuisunut akigititamut kisitsisillu akinut iluarsisutaasa naleqqersuutaannut akuliutitinneqarput. Naleqqersuutit nutaat tunngaveqartinneqarput 2004-mi Kalaallit Nunaanni inuit ataasiakkaat ataatsimut atugaasa katiternerisigut. Naleqqersuutit, ullut manna atugaasimasut, 1992-mi aamma 1993-mi atugaasut katiternerit tunngavigalugit. Taamaattumik naleqqersuutit nutaat erseqqissisippaat atuinerup isikkua. Tamatumuuna atuisunut akigititamut kisitsisillu akinut iluarsisutaasa naleqqersuutaasa eqqornerusumik takutippaat naatsorsuinerup allanngorarnera.

Taamatullu nunat assigiinngitsut akornanni inuussutissatut nioqqutissat kiffartuussinerillu immikkoortulersuinikkut immikkoortiterlugit, Classification of Individual Consumption by Purpose (COICOP), atulernerqarmat. Taamalu kisitsisit ataasiakkaat naatsorsukkat naleqqersuutaat siornatigut naleqqersuutaasut tamanut nalunaarutigisat naleqqersuutitut assigiissallutik. Soorlu imeruersaatit nioqqutissanut inuussutissakkunnet nuunneqarsimasut. Siornagut imeruersaatit imigassat aalakoornartortallit immikkooqatigisimagaluarpaat. Nioqqutissat kiffartuussinerillu ataatsimut atuisunut akigititamut kisitsisillu akinut iluarsisutaasa naleqqersuutaasaa iluarsaassat iluarsaassinerup siornatigut pissutsit assigiinnarpai. Nioqqusianuku immikkoortoqarfiinit allanut immikkoortitserneqaannarsimasut. COICOP atorneranut iluaqutaavoq, kisitsisit ataasiakkaat naatsorsukkat naleqqersuutaasa allanngorarnerat toqqaannartumik danskit EU-milu nunani naleqqersuutaasunut ataqatigiissitaarneqarsinnaalernerat.

Naleqqersuutit naatsorgaapput januar 2008-p tungaanut nutaanik naleqqersuusiorlugit COICOP-lu atugaasut malillugit, januar-ilu 2008 100-ngorlugu naleqqersuutit iluarsaassanut aallaaviuvoq. Naleqqersuutit iluarsaassap allanngorarnera nutaanik naleqqersuusiornerit toqqaannartumik siornagut naleqqersuutit qanoq isikkoqarnerannik tamanut nalunaarusiat ataqatigiissinneqarsinnaanngillat, tassani naleqqersuutit allat atornerqarmata.

*Saqqummersitaq pappialanngorlugu* Saqqummersitaq piniarneqarsinnaavoq Kalaallit Nunaanni Naatsorsueqqissaartarfiimmut pappialanngorlugu. Oqarasuaat 36 23 60 atorlugu imaluunniit e-mailkut uunga: [stat@stat.gl](mailto:stat@stat.gl) atorlugu nassiussinermit aningaasartuutit akilernerisigut.

Inussiarnersumik inuulluaqusillunga  
Johanne Svendsen Kleemann  
Siunnersorti  
Naatsorsueqqissaartarfik